

中华全国图书馆

文献缩微中心



山西省图书馆 摄制

1989

原件收藏

山西省图书馆

原件书号

24171-78

原件状况

原件有部分字迹模糊

原件个别地方破损

原件有部分有污迹

[乾隆]祁县志十六卷

(清)陳時纂修

清乾隆四十五年刻本

八册

共摄制 1 卷 卷一至卷十六

所有 不准复印

本部书开始

本片卷含： 卷一至卷十六



原序

志之義史也記註詳則防範存指畫明則方畧具名實
核則法戒昭厥維重哉邗自晉魏以來未嘗有志國朝
景成弘正中僅有錄本紀載之體猶爲近古後當增
之會類爲私已者所刪易至併舊籍去之故新書脫
而古志不可復覩矣且其間體例未定文義鮮倫竟
未嘗鏤板也嗟嗟邑久未覩全志志而又不足信豈非
缺典哉是歲夏四月張侯肖岩公政成之暇謂邑志當
修以存文獻乃延集諸儒開館采緝手任編纂而余與

(24171)

水部郎龍山李君亦載筆從事大要舊本爲質而參以羣籍往事爲據而益以時政衆論爲準而附以已臆立綱八分日五十有一各綴敘論兩越月而稿成將授之梓人以傳矣嘻嘻文獻不足孔子惜之我祁代多聞人不愧邦獻歟文若未遑焉志旣成文不在茲乎故余竊有感矣夫志識也識一邑之事也而勸懲寓焉邑之事莫先於風土故首之以輿地志輿地示可經也有輿地則必有創設故次之以建置志建置示可飭也有創置然後有財用故次之以食貨志食貨示可制也食足然

有禮故次之以典禮志典禮示可率也禮者履也率而履之存乎官故次之以官政志官政示可勸也官師立而善人多故次之以人物志人物示可觀也有德人斯有德言故次之以詞翰志詞翰示可考也事變無窮詞翰不足該焉故終之以雜紀志雜紀示可鑒也夫使宦於斯生於斯者觀輿地而經畫以盡利觀建置而飭守以永休觀食貨而制節以裕民觀典禮而率勵以彰化觀官政而勸黽以效績觀人物而觀感以齊賢觀詞翰而考言以求行觀雜紀而審前以儆後則雖謂

茲志焉可也不然而或廢焉墜焉侈焉弛焉怠焉悖焉
荒焉忽焉則志亦徒文耳已何重之足云古之爲史者
稱孔子春秋采子綱目爲萬世文獻之宗謂其可以維
世教而淑人心也向使於世教人心無與焉雖文亦奚
以爲此余於志之成不能不重有所感也噫孔與朱豈
易言哉是志也儻未至掛一漏萬滂是眩非叛道離經
崇浮彰穢而於載事徵信維世淑人之義間有一得不
猶愈於昔之不全不信而不足傳者耶明邑人戴光啟

撰

原序

今天下郡邑莫不有志其要在正疆界徵文獻稽吏治
觀民風而以時損益之蓋經世事業具矣故君子重焉
而志載缺焉何以示天下後世乎余司牧茲土行能無
似然所懷抱惟此真心實念全從百姓起見而無他
地焉皆百姓所處也不無建置焉皆百姓之力也有食
貨焉百姓之力所出也有典禮焉百姓之教所成也官
政所以治乎百姓者也人物所以表乎百姓者也

文爲雜紀或歌其風或載其道或動其修省或端其教
術凡以爲百姓也爲治之道盡在志矣矧祁彈丸邑近
邊孔道兩驛衝疲軍興絡繹供億無休暇民力不堪使
無以志之則

國史院無以書何以知一邑利病之所在觀風者無以
採何以悉一邑甘苦之所獨亦何以廉尹一邑者之勤
若職於百姓怠若事於百姓而一邑百姓之情形皆入
於爲上者之目中哉邑承兵火之後版籍悉燬余思志
關於治之大圖所以修之困於簿書未能也今乃政事

稍暇得與邑之鄉先生暨子矜輩接拾殘編遠近蒐采
凡輿論所在鄉校之評可爲徵信者斟酌彙輯以補前
志之闕有序有圖有說觀土風以驗隆汙察民情以裁
政令按往事以備法戒蓋百里之中山川形勝間井譌
俗內盈止而外文明先後緩急弛張興廢所宜一披閱
而見大意焉討論紹述尚賴後賢哉

康熙四年春二月文林郎知祁縣事高邑郭霽謨

原序

傳世有二曰政事曰文章政事文章何爲其傳世也山川有崩陁人物有盛衰而政事文章不與山川爲崩陁人物爲盛衰者也則一邑有一邑之政事文章一代之政事文章然邑有沿革代有變遷政事有顯晦文章有存亡恃以傳世者非志曷與祁之志前代無聞其在明者旣爲兵火所殘

國家鼎運卽檄修之以爲軍國之賦役民力之普存山川人物風俗土宜其美所關匪細而政事文章

於是三皇政典荒遠罔攷稽諸尚書祁爲烈山肇國有能之胤胙舟陵之遷土政事人文尚已以逮祁奚賈辛政事彬彬也至於子師仲淹其政事文章有裨天下不獨祁一邑爲然自輿地以至藝文綱分目析其於政事文章備矣况應運而興者不又有粲然可觀者歟公悅郭侯承

天子命來守此土加意斯民革故鼎新大政釐舉以志不可久缺委余採續舊本爲質而參羣籍折衆論補所未備戴子楓仲共襄厥成楓仲勤學好問偃蹇不遇於時益

肆力於文章得攬其山川挹其人文上下其古與今焉文中子先世祁人遷汾五世而志載之不忘其本也余越人家於祁四世矣任其事不可無其言是成郭侯之志傳不朽之政事文章以爲化民成俗勸佑後人作咸正無缺之助是可傳世也是可傳世也

康熙甲辰仲秋

進士出身前戶部福建司郎中丙戌會試同考河南懷慶府知府周繼芳撰

原序

余初至祁渡廻馬昌源兩河覽其山川問其風俗攷志
知爲晉大夫祁奚食邑縣因以得名及拜祁公祠瞻遺
像典型生敬嘆春秋賢大夫明德遠也鄙上郭君已得
代而縣志適成余閱其八紀曰輿地曰建置曰食貨曰
典禮曰官政曰人物曰藝文曰雜紀或訛而相冒或混
而無別或析而無當者悉釐正之余因之有感矣卽如
輿圖器也器有完有壞故志沿革志建置風俗習尚也
每隨時高下故志貨物產歌謠文章國華也大爲

史小爲詩賦又與事功節義相表裏故志人物藝文益古無志而存其實今有志而存其名何也觀前代之官於茲土者多矣所爲美愛斯傳者豈在周獨一賈辛在唐獨一鄧義在宋獨一司馬旦乎觀今日之產於茲土者多矣持危定難豈遂無漢之王允晉之溫嶠者乎又文人學士所爲著書立言者當不乏矣尚有如摩詰之詩子安之賦飛卿之八叉成文者乎如隋之文中子雖遷河汾而誦說不忘廣武之周黨僑於祁而徘徊不去至今令人讀其遺書式其丘墓果地以人重耶抑人以

地重耶姓氏垂於竹帛文章留於載籍而鄉評公道不絕於祁人之心余有以知先正之風流未艾而繼起之絕聞光大爲甚重也况志識也賢者識大不賢者識小令其邑而不悉其志如家督不憑簿籍如受人之田而不問其疆畝又如入山林樵獵而不辨其草木鳥獸也但守土之吏視官署如旅舍不數載而爲輦上君子多因陋就簡其於修舉廢墜若罔聞焉故賈長沙曰移風易俗類非俗吏之所能爲也余承乏茲土繼郭君之後而克成厥終

人余拜手昌言勒之簡末以當晉乘之一

康熙六年夏四月穀旦文林郎知祁縣事關中王惟彝

謹

原序

志識也議一方之山川土俗而觀感恒於斯鑒戒恒於斯
斯顧厥宇從士從心則所關於士者爲尤重祁屬古三
帝肇鞠之區經余攷贊而始明在昔神農政典曰君正
一道二三凶臣正一德有常吉又曰道者導也導爾志
迨陰符以人心著訓帝典以文思啟宗爰信神明之德
開物定務平地成天總之不越此心者是夫古之抗懷
三立競爽千秋者亦政於心取之士各得心則氣以平
士各如心則形以和氣平形和以之而贊皇化翊聖

如奚如狐志明揚也如珪如造憲聖譏也如大雅志夷
也子昇庭笏伸舒維溥文志煥矣序懿茂青武志奮
矣而三溫六龍尤不減元凱當年至如子師太真籌畫
圖計志確乎其不撓誅凶格苗不是過已伯况之散產
不實文中之讀經擬聖又皆曠代畸人高尚其志不違
一間於聖賢箕穎之或未逮也凡此皆三代以上人物
也夫士也神崖自崇量海莫測苟能不越此心豎事功
節義經學文章之幟爲千古上下之一二人當必使山
川爲之生榮土俗於焉增厚者故殊方異代人人得而

依皈之而况生同土也居同方也孰狂孰諂何古何今
有識之士寧不與之結香火緣哉故曰志者心之所之
亦人之所共之斯作志義也吾祁郭侯數歲來燃犀於
懷收冰於掌措民於騰實心實政聞於 上內遷大行
之秩而是志適成蓋祁初無志自余大父龍山公等彙
纂成編今復得抱珍璫玉樹仲敷君其人者加詳而潤
色之將必使來泣茲土者覽其山川攷其土俗根心以
求於往者之遺事而因事之下民之疾苦而刺詞之在
士心爲聖修

於是如鄉道之識事又焉足以概志云康熙乙巳仲夏
穀旦邑人李而洵記

重脩祁志後序

祁志自先大夫方伯公創始九十年間無有脩明其缺
者仲濂周先生文望爲一邑冠以郭侯公悅有命虛心
述作五越月卒業爲綱有八爲目五十有一屬余次敘
付梓余小子以繼先人志也雖不敏亦不敢辭取而讀
之重有所感志輿地而慨世俗之不古也志建置而惜
縣治之固陋也志食貨而嘆戶口之消長也志典禮而
見鄉儀之失敘也志官政而嘉宦績之如故也志藝文
而幸風雅之猶存也志雜紀而如詳異之有徵也

人物則似遠不及古祁大夫父子繼美尚矣溫王爲祁
巨族氣節事功文章代有傳人溫太真尤以奇偉著議
在機先制變倉卒討僞趙僞漢誅王敦以安晉室真天
下才祁乃有若人哉余復微不快其絕裾一節古人猶
難何況今茲是在後之君子自立者何如耳雖然世之
志者多詳古畧今且疑信各半故與其考往代輿地不
若觀近時風土與其推往代建置不若稽近時因革察
往代食貨不若考近時田賦引往代典禮不若閱近時
儀制述往代官政不若哀近時宦績傳往代雜記不若
備近時見聞徵往代藝文以追嗜好不若讀近時著作
以想見其所用之意列往代人物以別臧否不若取近
時行事以究觀其所尚之人或藏於一家或流於一邑
凡所見者皆當聳然而作相與勉爲忠厚而耻爲浮薄
必由此也夫

康熙乙巳初夏戴廷拭撰

原序

晉之有乘猶吾魯之有春秋也春秋魯史而所記載多
晉事余嘗欲驅車訪之未遑也迨癸未歲余分符於祁
祁爲晉下邑葺爾微區疲於奔命聞

命之日或爲予苦之予應之日方今

聖天子聲教四訖方輿日廣扶桑戴斗之區尚皆設官命吏
以治之况禹跡所衍冀州之近地出貢賦以供天地宗
廟社稷之祀之壤者哉及入境覽其山川麓峯峙其南
昌源遶其北概然於大夫奚之食報遠焉問其風俗

務力稽婦職女紅唐魏勤儉之德猶有存者稽其人物
選舉漢晉以來賢士大夫代不乏有以至田賦有樂利
之遺其尹鐸之保障乎城闕無子衿之刺其河汾之道
派乎凡此皆祁之勝概班班可考也然尚恨有闕者治
世之書斷自六經建閣以崇之所以使易象周禮之不
獨存魯也祁邑尊經一閣風雨漂搖與籍蕩然後之人
雖欲讀三墳五典八索九邱之書其孰從而求之忠臣
義士自古爲難子師值漢末造志安社稷死生以之慷
慨大節至今猶表表耳目間而不得與於祀典是又職

司風教者所惻然而心恫也推而城有凹陷門冲坎離
奎樓乏斗牛之光雲路無扶搖之勢保殘守缺咎將誰
諉哉余備書之暇漸次修舉事既竣祁人士將分類編
輯載諸邑志而請序於予予思志也者一方之文獻也
史也卽所以爲治也予之治不敢附於古人其敢以史
自爲功乎固請不已因備載諸簡末於經閣奎樓雲路
之修也則附學校於王司徒祠堂之立也則附建置於
補城易門也則附疆域於碑記二首則附藝文其有藝
科名而登仕

牧者之所有事本不足爲簡策光也然區區爲地方之
實心或亦爲採風者之所不棄與昔

康熙四十五年仲秋文林郎知祁縣事加二級教習古
單朱瑄撰

原序

今年春敬奉 上檄續纂各屬縣志爲備增修一統志
也所係蓋綦重矣謹會萃所當續者若干條次第纂入
旣卒業而爲之序曰夫志者史之一體凡所記錄欲以
信今而傳後非徒以應故事美觀聽而已祁自大夫奚
後歷漢唐宋不聞有志志蓋自初明始厥後相繼重修
其中體例已頗詳備續之者卽不必復事更張亦可依
類編輯殊易爲力然嘗閱之見其故實不合於經史傳
記特據所傳閱而事蹟漫載者尚多有之竊謂此最難

志之大病與任情爲愛憎挾私爲毀譽者事不同而美同何也其始也不過欲收羅之廣博其旣也乃適以疑誤夫後世博洽者知其無稽失實鄙棄弗道猶可言也寡昧者或遂奉爲典故承誤襲訛不可言也然則以此應故事而美觀聽何如取法謹嚴使事必有徵言無虛設疑則闕之之爲愈哉故志中凡涉附會不可盡信者可易則易之或雖存其舊亦必因其失而附論之庶幾是非真僞一目可了非故與前人異也 聖朝一統志將以信今而傳後豈惟所增近事若名宦鄉賢忠義孝弟節孝之大者爲不可苟哉卽一名一物凡前志所誤有待改訂者如更釐而正之使歸於至當亦因事修補傳信來茲之一助也則烏得諉之曰是在昔人之盡於今何與姑任之而已也

雍正七年歲在己酉季夏穀旦文林郎知祁縣事加一級紀錄二次臣昆明羅著藻撰

祁縣志序

祁當春秋時屬晉公室巨族及魏獻子分祁氏之田爲鄔祁平陵梗陽涂水馬首孟七縣而祁得仍舊名自漢魏南北朝以至唐宋

代多偉人搢紳簪組爲太
原國冠冕邑然舊無志至
明景泰僅有錄本萬歷中
邑人戴仲升李龍山編纂
成帙垂九十年

國朝康熙乙巳郭令公悅授
之梓逮後山左朱令滇南
羅令續加修葺年歷二百
傳寫鈇鏤久失其舊余莅
任之初覽山川問風俗披
閱舊志反覆叅稽類多漫
漶磨滅踳駁紛紜亟思是

正甫下車未遑也今年春
爰集邑紳士而謀所以新
之竊念夏書禹貢周禮職
方志之權輿也漢班固易
史遷八書爲十志史家多
宗之而志遂爲史之一體

然各史地志只詳一代疆
域郡縣分隸而已至郎蔚
括地志李吉甫元和郡國
志樂史太平寰宇記直統
古今之沿革損益覲縷言
之則志亦史矣古之稱良

史者其明必足以周萬事
之理其道必足以適天下
之用其智必足以通難知
之意其文必足以發難顯
之情余不敏曷能妄迹古
人然一邑之中按時稽事

考獻徵文前事之不忘後
事之師也夫天下古今所
共由者道爲之經者天地
民物爲之緯者理學經濟
天體事而無不在匪徒星
野祥異也然已可以見天

之心若輿圖山川疆域
革城池縣治關梁則皆本
乎地者也民之行著於風
俗選舉封爵鄉賢人物列
女而古蹟祠廟亦無不可
以徵至物產田賦又道之

在庶物者也誠欲明乎天
之道以彰地之紀察於民
之故以資物之生安可不
務學乎哉始之學校以正
其本參之藝文以暢其流
由是扞爲經濟舉格致

序
正之實修以宰制乎天地
民物之大用措正施行官
司其職而名宦則其驗也
雜記爲志之緒餘亦足以
資多識焉聖賢之學卽是
可見余因舊志遠覽旁搜

芟繁補缺別類二十有四
分卷一十有六使後之覽
者莅是邑則師邑之循吏
生是鄉則法鄉之名賢出
其修己治人之術予以佐
天子均平天下熙鴻號于無窮

焉其基諸此與若謂研精
殫思編次勒成將效康對
山志武功文核義潔爲海
內學士文人所寶貴夫何
敢

賜進士出身知邳縣事加三級

清泉陳時撰

祁縣志目錄

卷一

輿圖

祁縣全圖
縣城圖
縣治圖
學官圖
八景圖

星野

沿革

卷二

疆域

坊村

市鎮

山

山川

形勢 水利附

城池

堡寨 武備附

關梁

驛遞附

卷三

縣治

行署 倉場附

學校

田賦

丁賦 稅課附

卷四

風俗

物產

鹽法附

古蹟

墳墓 坊表附

祠廟

寺觀附

封爵

誥贈附

卷五

職官

名宦

卷六

選舉

科目 舉人 應貢 拔貢 副貢 歲貢
例貢 生監 例仕 職員 武職 鄉書附

卷七

鄉賢

卷八

人物

卷九

人物

孝友 文苑 尚義 善行 仙釋 方伎

卷十

列女

藝文

制詔勅表序考

卷十一

藝文

世家傳記

卷十二

藝文

記神道碑

卷十三

藝文

墓表

卷十四

藝文

墓誌

卷十五

藝文

詩詞賦

卷十六

祥異

雜紀

祁縣志例言

一祁在太原之南壤接汾州分野以參爲主觜井則麗乎參者也舊志星野無圖今列觜參井三圖以備考

一沿革晉武帝封李憲爲祁侯舊志晉武譌漢武李憲譌李善今更定凡各類有更定之處或他書考證足相發明者上俱加一按字附於各條後

一寓賢一類山西通志太原府志祁無其人舊志首載狐偃注縣北三里爲舅犯故里卽非寓賢若趙簡子使王良與嬖奚乘唐也爲北齊臣而降周豈曰能賢

漢之周黨賢矣然後漢書逸民傳黨隱居黿池著書
上下篇而終又後魏志祁有趙簡子城周黨墓故舊
志所載諸人已列入古蹟墳墓寓賢從缺

舊志無封爵一類按前漢封贈爲祁侯西晉封李
熹爲祁侯始由古縣徙祁城村列朝得膺封爵者幾
數十人志烏可已也誥贈榮及先世爲

朝廷褒嘉賢良之盛典因附於封爵後

一舊志有典禮一類惟鄉儀宜於俗而弗戾於古臣列
入風俗志餘皆詳載

國朝會典直省一例通行不贅

一田賦戶口通考并列蓋粟米出於田賦力役出之戶
口唐制有田則有租有身則有庸亦此意故今之均
徭銀謂之丁賦祁之戶口其文畧因列丁賦之前令
人一覽而知

一物產舊志載祁地產鹽而不及鹽引今附鹽法於物
產後知祁邑行河東之引而不食河東之鹽利微而
稅艱也


一選舉一類舊志自明以前不分科目又恩貢拔貢副

榜雜入歲貢中武科尤凌雜掛漏今條分子目爲十
而科目則自漢魏以迄今茲按時類載其年代無稽
者則附各代之末以俟考

一鄉賢舊載王勃狄青按唐書文苑列傳王勃絳州龍
門人同時裴仁儉譏其浮跡淺露不應闌入祁縣鄉
賢宋史狄青汾州西河人因并刪之又鄉賢王慶傳
以戰功賜爵始安縣男歷丹中二州刺史舊志誤讀
男爲慶之子名歷載入人物志今并刪去非敢意爲
增損也

一王通王勣正史不錄他書皆載通龍門人勣通之弟
也今藝文東臯子集序唐吕才作稱勣太原祁人也
文中子世家唐杜淹作述通先世霸之後殷家於祁
故人物不錄而藝文不敢遺焉又藝文制勅至詩賦
各體分載其中又以時代先後爲次以便觀覽

www.chinacourt.org



原件短缺

祁縣志

纂脩

知

縣

陳

時

分脩

教

諭

趙

遇

坦

千

總

閻

天

相

典

史

徐

琬

外

委

張

得

鳳

監脩

校閱

採訪

羅縉 舉人

李洋 舉人

李現昇

張大典 諸生

顏煥章 貢生

武佐邦 武生

李聆 舉生

任苾 武生

高鴻建 貢生

高璵 舉同

馬建邦 武生

渠家麟 生員

祁縣志卷一

祁縣知縣陳

時編


輿圖 祁縣全圖 縣城圖 縣治圖 學宮圖

周禮職方氏掌天下之圖以掌天下之地所以辨邦國都鄙之人民與其財用穀畜之數要周知其利害也祁在春秋時為晉名縣二千年來山川依然城郭迭易治民興學區畫規為披圖得覽觀焉

國朝定鼎燕京晉省即入版圖教養涵濡百數十年風會日上身任親民之責者尚其披圖察形因形敷政以宜民善俗歎志輿圖

東至南武


界三十里



里十二



南至平



界十五里



西至平

里十一










昌澤泉

元集

卷

七




飛泉瀑布

嶺山晚照




龍舟夜月



高峯積雪





通元觀


龍槐




雙井古栢




栢古



泉古



仁濟寺



沙城新碑




星野

漢張衡云衆星列布體生於地精成於天列居錯峙各有攸屬史記天官書晉之疆候在辰星占於參罰是故晉文復國載入寶沈蓋其徵也祁地延袤百餘里度分西徂夫善言天者必有驗於人德隆則晷星星隆則晷德史遷之論所以動人修省卽以承天休祥也志星野

參十度上爲五星日月冲道甘氏曰參爲忠良孝謹之子明大則臣忠子孝安吉一曰參俄一曰大辰一曰

參宿圖



觜宿圖



在厠南色黃則吉

觜二度在參之右角如鼎足形主天之闢明大則天下安五穀熟隋志云觜觴爲三軍之候行軍之藏府主葆旅收斂萬物明則軍儲盈將得勢動而明葆旅起張衡云葆旅野生之可食者坐旗九星在司怪西北主別君臣尊卑之位明則國有禮司怪四星在井鉞前候天地日月星辰禽獸蟲蛇草木之變與高占同按唐一行測觜一度元郭守敬測觜五分

井三十四度甘氏云井八星在河中主泉水日月五星貫之爲中道石氏謂之東井亦曰天井主諸侯帝戚三公之位故明大則封侯建國張衡云天之南門也黃道所經爲天子之亭侯主水衡事法令所取平也王者用法平則井明而端列鉞一星附井之前不欲其明月宿井有風雨之應又曰井爲天子府中有六星不欲太明南北兩河各三星分夾東井一曰天高天之闢門主闢梁河南曰南戌一曰南宮一曰陽門一曰越門一曰權星主火河北曰北戌一曰北宮一曰陰門一曰胡門一曰衡星主水兩戌之間三光之

常道也天罇三星在五諸侯南主盛饘粥以給酒食
之正也張衡云以給貧餒明則豐或言暗吉五諸侯
五星在東井東北近北河主刺舉戒不虞又曰治陰
陽察得失一曰師二曰友三曰三公四曰博士五曰
太史又曰五曰大夫此五者常定疑議星明太潤澤
則天下大治張衡又曰五諸侯治陰陽察得失明而
潤大小齊等則國之福積水一星在河北所以供酒
用也積薪一星在積水東以備庖廚之用明則人主
康水府四星在東井西南水官也占與水位同水位

四星在東井主水衡又主瀉溢流也四瀆四星在井
南軒轅東以江河淮濟之積精也軍市十三星如錢
狀在參東南天軍貨易之市野雞一星在軍市中主
變怪也軍市西南二星曰丈人丈人東二星曰子子
東二星曰孫丈人主壽考之臣子與孫皆侍丈人之
側相扶而居守常無咎闕邱二星在南河東主象魏
天子之雙闕諸侯之兩觀也狼一星在井東南爲野
將色有常不欲變動色黃白而明吉弧矢九星在狼
東南天弓也以備盜賊常南張老人一星在弧南一

曰南極常以秋分之旦見於丙春分之夕沒於丁常以秋分候之南郊明大則人主有壽天下安寧

周禮大司徒以土宜之法辨十有二土之名物以相民宅而知其利害注十二土分野十二邦上繫十二次各有所宜也相占視也疏案保章氏以星土辨九州之地注云星土星所生土也又云大畧則曰九州州中諸國之封域於星亦有分焉其書亡矣今其存可言者十二分之次也星紀吳越也元枵齊也娵訾衛也降婁魯也大梁趙也實沈晉也鶉首秦也鶉火周

也鶉尾楚也壽星鄭也大火宋也析木燕也

史記天官書角亢氐交州房心豫州尾箕幽州斗江湖牽牛婺女揚州虛危青州營室至東壁井州奎婁胃徐州昴畢冀州觜觸參益州東井輿鬼雍州柳七星張三河翼軫荊州

皇甫謐帝主世紀自畢十二度至東井十五度曰實沈之次於辰在申謂之沼灘於律爲仲呂斗建在巳今晉魏分野

左傳昭元年子產曰后帝遷實沈于大夏主參

杜注后帝堯大

夏介
晉陽

又曰雷賦王邑姜方震大叔夢帝謂已余命

子曰虞將與之唐屬諸參而蕃育其子孫及生有文

在其手曰虞遂以命之及成王滅唐而封大叔焉故

參爲晉星由是觀之則實沈參神也

杜註叔虞封唐是爲晉侯

國語董因對晉公曰歲在大梁將集天行元年始受實

沈之星也實沈之虛晉人是居所以興也以辰出而

以參入皆晉祥也

洛書甄耀度西方自虎而觜參爲虎首故有觜之義

李志觜參實沈之次於辰在中於州爲益

晉魏冀并之域不曰冀并

而曰益州何也春秋元命苞云參伐流爲益州益之

爲言阨也言其所在之地險阨也一日疆壤益大故

以名焉非今之

西蜀益州也

晉魏之分也而非宿附入焉

明一統志太原府禹貢冀州之域天文參井分野

舊志縣之分星在參井之次

按晉天文志定襄代郡入東井明一統志太原府天

文參井分野而劉基言太原入畢初度皆統一郡而

言蓋太原在明以前雁門代郡平定遼州皆其所屬

故東北兼趙入昴畢西北近秦入東井祁在晉陽之

南壤屆汾州當屬參宿分野所謂實沈之虛晉人是

居也

祁邑舊志謂祁之分野在參井之次蓋舊志本於竇
宇通志謂太原參井而通志本於左傳子產謂參爲
晉星然論者又以子產辨實沈之爲崇謂全晉之地
俱當屬參豈知山河疆域自漢以後漸有開拓欲以
後人之州縣盡屬乎古人之分域當不其然帝玉曲
紀曰自胃七度至畢十一度爲趙之分自畢十二度
至東井十五度爲晉魏之分漢司馬遷史記趙地昴
畢之分趙分晉西有太原定襄雲中五原上黨班固

漢書取三統歷十二次配十二野下分地理上準天
象因史記自胃七度至畢十一度爲趙分野春秋元
命苞曰畢昴散爲冀分爲趙晉志曰自胃七度至畢
十一度爲趙分隋志曰舜析冀州而爲幽并其於天
文胃畢爲冀州而明誠意伯劉基爲一代星緯之宗
其分野亦云太原入畢初度攷祁唐虞爲并冀域戰
國時屬趙秦并六國郡縣天下屬太原由斯以言則
祁之分野舊志謂在參井之次者若有可商又或謂
祁絕長補短僅方百里其於星野不過在分秒之間

是否奚足深辨然庶民惟星十室之邑亦有分野易
曰天垂象見吉凶不明乎此將奚以驗得失而知休
咎也 邑人張大典識

沿革

太原郡屬邑今十有一太原助於書見于詩縣以郡
得名戰國趙斯有榆次西漢始有陽曲餘皆見之六
朝後焉惟祁則由周而來以迄于今

國家定宇分疆直省州縣裁併增設外名率由舊故祁
之名縣最古然其間省復于天保開皇更隸於武德
貞祐廢興端委是用條分以備稽覈志沿革

唐虞爲并冀域

周春秋時祁奚食邑魯昭公二十八年晉分祁氏之國

爲七縣魏獻子爲政命賈辛爲祁大夫杜預云今太原原祁縣其城今爲上下古縣二村

按史記韓世家晉頃公十二年韓宣子與趙魏共分祁氏羊舌氏十縣

戰國時屬趙

秦隸太原郡

漢因之高祖六年封繪賀爲祁侯莽曰示

晉隸太原國武帝時封李憇爲祁侯乃徙築於西北今爲祁城村遺址猶存

按地形志太原郡祁注二漢晉屬有祁城祁奚墓周黨冢太谷水趙襄子城

按舊志晉武帝詔漢武帝李憇詔李善今更定

北魏隸太原郡太和中并州別駕分瓚又徙築於西北卽今治

北齊天保中省

隋開皇中復置屬并州

唐武德三年屬太州尋廢太州仍屬并州開元中改并州爲太原府縣屬如故

五代及宋

次義

因之

金貞祐中以尚書左丞胥鼎議於縣東團柏鎮置幘州
縣屬焉州尋廢興定中隸晉州

按金興定四年正月以壽陽縣西張寨置晉州清源
太谷祁縣胥隸焉

按金志祁有幘山太谷水

元初廢晉州仍隸太原路

明隸太原府

國朝因之編戶舊四十五里今均平爲二十四里

通志
今三

十一
里

祁縣志卷二

祁縣知縣陳 時編輯

疆域

坊村、市集附

禹貢敘九州八州皆言疆界而冀不言者以餘州所至可見重

神京也他如荆河海岱則畫表區疆立之準望周禮形方氏掌制邦國之地域而正其封疆皆師其意而行之祁壤接沁汾爲郡南重邑四履所至井疆歷歷凡徑路之數遠近之實與夫商民走集之所瞭如指掌庶幾發徵期會乘地之利以利民云志疆域

縣在府南少西一百四十里

府志作在府南一百五十里

東至太谷縣界白圭鎮三十里少北至太谷縣治四十

里

西至文水縣界二十五里文水縣治七十里

南至汾州府平遙縣界十三里

北至徐溝縣清源鄉界三十里少西至清源舊治六十

里

按清源鄉舊爲清源縣今省入徐溝縣

東南至沁州武鄉縣界下凹村一百二十里武鄉縣治

二百二十里

西南至平遙縣界交界鋪一十五里平遙縣治四十五

里

東北至徐溝縣界北堡村四十里徐溝縣治五十里

西北至文水縣界城趙村十里文水縣治六十里

東西相距五十里南北相距一百五十里

通志作東西廣五十五里

南北袤四十三里

周四百里由縣治東北一百四十里達府治一千二百

里達

京師

東南通武鄉由北關至來遠鎮十里盤陀鎮紫紅
鎮胥二十里圓柏太谷舖胥十里又白圭十里抵
徐溝西南達平遙由交界牌至韓家莊十里豐澤
沙河胥十五里南左十里星行十里抵徐溝此孔
道也東四十里至太谷西六十里至文水西北六
十里至清源此小道也

村坊附

東路

三合村

距縣二里

王村

距縣八里明嘉靖二
十年築堡

郝城村

距縣八里

西六支

距縣十里明嘉靖
二十年築堡

南北劉家堡

距縣俱十
里

澗曲村

距縣十里明嘉靖
二十年築堡

梁家堡

距縣十里

河灣村

距縣十二里

南社村

距縣十二里

東六支

距縣十五里

武鄉村

距縣十七里明嘉
靖二十年築堡

王喬村

距縣十八里

東高家堡

距縣二十里

大賈村

距縣二十里

小賈村

距縣二十里

瓦屋村

距縣二十里

喬家堡

距縣二十里

牛車村

距縣二十里

西觀村

距縣二十五里

東觀鎮

距縣二十五里

張庄村

距縣二十五里

南團栢

距縣二十五里

東炮守堡

距縣三十里

張家堡

距縣三十里

北團栢

距縣三十里

中梁村

距縣三十里

團栢舖

距縣三十里

東谷戀

距縣三十五里

張家堡營

距縣三十五里

白圭鎮

距縣三十五里
嘉靖二十年築堡

天衢村

距縣四十里

峪口村

距縣四十里

北梁村

距縣四十里

閻家庄

距縣四十里

侯家庄

距縣四十五里

杜家庄

距縣四十五里

嶺北庄

距縣七十里

上虛

距縣七十里

溫家背

距縣七十里

南路

城南村

距縣二里

谷村

距縣五里

下申村

距縣五里

申村

距縣十里

小韓村

距縣十里

大桑村

距縣十里

小桑村

距縣十二里

張名村

距縣十三里

閻漫村

距縣十五里

蒲菴村

俗呼菩薩村
距縣十五里

王斜村

距縣十五里

古縣村

距縣十五里

下間燦 距縣十五里

大韓村 距縣十五里

上間燦 距縣二十里

許子八洞 距縣二十里

元惠溝 距縣二十里

澗壑村 距縣二十里

段家窰 距縣二十二里

澗村 距縣二十二里

岡上村 距縣二十五里

任村 距縣二十五里

胡累北岡 距縣二十五里

梁村 距縣二十五里

李家灣 距縣二十五里

北建安 距縣二十五里

南建安 距縣二十七里

郭北村 距縣二十八里

新寨村 距縣三十里

紫紅鎮 距縣三十里

魯村 距縣三十里

三賈村 距縣三十五里

西磨支 距縣四十里

火圪洞 距縣四十里

盤陀鎮 距縣五十里

張登溝 距縣五十五里

東峪溝 距縣才十里

來遠鎮 距縣七十里

北關鎮 距縣八十里

南鳳溝 距縣九十里

西路

九及村 今名九角村 距縣三里

北谷豐 距縣三里

南谷豐 距縣五里 明嘉靖二十年築堡

白圭村 距縣五里

常家堡 距縣五里

閻名村 距縣八里

修善村 距縣十里

朴村 距縣十里

高城村 距縣十里

任何堡 距縣十三里

雅安村 距縣十五里

西高家堡 距縣十五里

夏家堡 距縣十五里

西建安 距縣二十里

上段村 距縣二十五里

城趙村 距縣十里

韓家庄 距縣十里

豐戶村 今名豐固村 距縣十二里

西韓村 距縣十五里

東城村 距縣十五里

東西營 距縣十五里

鄭家庄 距縣十五里

西砲守堡 距縣二十里

上山村 距縣三十里

新堡村 距縣三十里

段城村 距縣三十里

北路

會善村 距縣二里

豐澤村 距縣五里

秦村 距縣八里

高村 距縣十里 明嘉靖二十年築堡

東陽羽 距縣十五里

賈冷嶺 距縣十五里 明嘉靖三十年築堡

塔寺村 距縣十五里

沙堡村 距縣十五里

范公村 距縣二十里

姜家堡 距縣二十里

吳家堡 距縣二十里

谷戀堡 俗呼北園 距縣二十里 明嘉靖二十年築堡

李家堡 距縣二十里

左東村 距縣二十里

南左村

距縣二十里

北左村

距縣二十五里

戴家堡

距縣二十五里

長頭村

距縣二十五里

鞏家堡

距縣三十里

程家庄

距縣三十里

北堡村

距縣三十五里

牛家堡

距縣三十五里

曉義村

距縣四十里

大義村

距縣四十里

市集附

縣市

奇日各市輪開自辰至午

賈令鎮

故縣

今廢

城趙

今廢

上段

今廢

澗村

今廢

紫紅

俗作子洪

來遠

東觀

北左

長頭

梁村

市俱罷止

山川形勝 水利附

祁處太原南偏嶽鎮遙拱河濟外縈近則麓臺南接
太行昌源北注汾水歷漢魏唐宋代多偉人甲於一
郡果山川之降神篤生歟抑人之輝媚乎山川也易
曰地險山川邱陵也故言形勝者重焉而溝渠畝澮
之資於水其視寶藏貨殖之產於山爲利尤溥亦盡
地力者所不可不講也志山川

麓臺山在縣東南六十里南跨平遙縣界迤邐接武鄉
沁源靈石縣界高八里盤踞三十里形似臺一名頂

山又名蒙山又名竭方山有宋張商英麓臺銘

龍洞在麓臺山龍王廟中洞口風聲如吼深四丈餘內

分四小洞正北為龍王洞有水池上橫三木過此有

石乳下垂滴水南則太子洞潤濟侯洞俱有垂石滴

一水遇旱取水禱雨輒應惟東南一洞遠不可測人無

敢有深入者

小麓臺山在縣東南四十三里新寨村南十三里高五

里盤踞十里奇石古木參差蔭翳環繞之山有九頭

拱揖相向形象呼為九鳳朝陽山南數泉分流舊有

潤濟侯祠乾隆庚寅里人郭遇時募增樂樓樓之南

為百子石洞去北里許增建土地祠每歲四月二十

三日醮祝者絡繹不絕有邑庠生渠家麟碑記

南原在縣東南間漫胡累大安南等都東西二十餘里

南北十里 宜麥

伏巖嶺在縣東南三十里有伏巖水

上嶺山在縣東南六十里高五里盤踞五里巍峩奇秀

上有五龍堂

下嶺山在縣東南六十里高三里盤踞五里上有幽仙

永興志 卷二
寺上幘下幘東接太谷南接武鄉晴巒朗岫下臨風
雨石樹和合龍從葱蔚有五龍二池

墜鐘崖在下幘山爲宋諸仙禪師遺蹟事詳人物志仙
釋

高峰壑山在上幘山東十餘里一名雲伏腦山分二支
一轉而東北者爲綿嶺自麓十八盤始至巔轉而北者
爲龍山首有龍嘴 山巔積雪不化有雙泉志稱竹
綠水崖花紅霜障

四縣腦山在幘山東南三十五里形勢峻廣陟巔見祁
縣太谷榆社平遙四縣

牛心山在縣東南七十里遶高六里盤踞四里水泉四
匝峰巒特秀山巔尖圓似牛心

紫荊山在牛心山南距縣百餘里山最高袤十里石多
五色西崖有赤土洞巔有泉池西巖有銀洞今閉西
北山梁下有風洞

溫風嶺在縣東南百里紫金山北巔有張果老窟下有
天井仙峰槽蹄諸蹟

雙臺坡在縣東南梁村東雙臺對峙

黃羊坡在縣東南窰上村相傳楊六郎行兵至此迷失
道有黃羊引之故名

雙泉山在縣南三十里紫紅鎮南山有雙泉

石夫子洞在雙泉山石崖中內有夫子像明嘉靖中鑿
洞南一里有石似龍鴉嘴

石佛崖一名聖佛崖在紫紅鎮南紫紅土渠下渠自崖
而分

胡甲水源出東南百六十里武鄉縣胡甲山北流經龍
舟谷名龍舟水滙諸泉折而西流經縣北又西經平

遙界入於汾名昌源河通志盤陀一川

即胡甲水源遡龍

舟谷水峪村北關其聚落也東巖一潭寒泓淨拭下

流多沙土人名沙河斛水斗泥鋤雲鋪雨水經行處

人多種竹雲梢不碧而白似太始雪水經注侯甲水

發源平遙縣胡甲山有長坡謂之胡甲嶺卽劉歆遂

初賦所謂越侯甲而長驅者也蔡邕曰侯甲亦邑名

也在祁縣侯甲水又西北歷宜歲郊逕太谷謂之太

谷水山谷西北流逕祁縣故城南自縣連延西接鄆

澤是謂祁藪也卽爾雅所謂昭餘新矣賈辛邑也辛

貌醜妻不爲言與之如臯射雉雙中之則笑也王素
之示縣也

昭餘祁在縣東南七里祁城村周禮職方氏并州澤藪
曰昭餘祁明一統志稱昭餘祁在縣東南七里祁城
村澤久涸元至元十一年土人鑿得細水爲昭餘池
歲溉民田旁建成湯廟

按爾雅十藪燕有昭餘祁郭注今太原鄆陵縣北九
澤是也周禮職方氏正北曰并州其山鎮曰恒山其
澤藪曰昭餘祁其川虛池嘔夷其浸洙易鄭注昭餘

祁在鄆漢志云祁九澤在北是爲昭餘祁并州藪又
漢志平舒有嘔夷川平舒卽今渾源州地北魏志鄆
屬太原有慮水入嘔夷澤又永安中蔚州寄治并州
鄆縣界水經注汾水於縣左迤爲鄆澤呂氏春秋謂
之溫洩之澤又水經注嘔夷卽溫夷之水源出靈邱
據爾雅周禮水經注及後漢北魏史志昭餘祁當在
今崞縣渾源州界左傳昭二十八年晉司馬彌牟爲
鄆大夫注今介休有故鄆城而通志注遂引路史昭
餘祁在介休建寧縣界明一統志謂昭餘祁在鄆

東南七里祁城村當晉分祁氏以賈辛爲祁大夫
一馬彌牟爲祁大夫今祁城村去賈辛舊治故縣村
六里何至遍處若此又晉地理志祁祁尚并存舊志
晉祁侯李意由古縣徙居祁城如志所云固不當以
澤藪爲城復不應徙居祁地但年遠迹湮疑事勿質
姑備錄諸說以俟考

義井在縣東南元義門溫義之井

滿井在縣東南十五里閭漫村水神溝冬夏恒流

伏熊水源出縣東南三十里伏熊嶺流經王斜村東名

王斜河北入昌源河

石佛河源出縣東南四十里柏園村南坡下流至下申

諸村漫散

通光水源出東南嶺山北上莊東南溝中流出谷口益

以太谷縣胡城谷水北流經縣東東管諸村名胡奚

河至西北合昌源河入汾舊志出縣東南四十里胡

城谷中北流一名胡城水

五龍池在嶺山五龍堂前東西各一

迴馬谷水一名五龍池源出太谷縣東南迴馬谷

縣北西合昌源河入汾

馬跑泉有三二在麓臺山神祠南北一在上嶺山東

紫紅池在紫紅鎮南山麓周圍石砌水甘

雙泉有二一在紫紅鎮南雙泉山流入溝灌田一在高

峰壑山流入通光水

甄拔突泉二胥在南梁上莊東南溝中通光水之上流

也

大井在縣東北開味甘

感惠泉在新韓鎮後澗

海眼在馬射灣距城三十里水出其下冬不涸

形勝

麓臺峙於前昌源繫於後左翼鳳山右跨汾澣而通光

五馬諸河經絡其間通志謂羣山遙障東南清汾旋

繞西北蓋自古稱壯邑焉明人摘其勝概以爲八景

國朝戴廷栻爲之注

題詠詳
藝文志

麓臺龍洞

洞在麓臺山龍祠深四丈強洞口時有風聲雨氣近之寒悻洞脅嵌空分四小洞正

北一窩是爲潛宅內有水池細橫三木朽若終古如不勝梁者實爾精材過此則霜芽雪筍肥乳泉矣南二小洞一則太子鍊之靈龍孫也一則瀾濟侯據之水凝石滴正復不異是皆澤勝餘之神東南搏一

幽不可測大都黏雲濁霧皆帶龍腥探之者毛髮
鬚髮膚寸之間若嬰逆鱗無敢深入但生疑肅

昌源春水 源出武鄉胡甲山謂胡甲水北流經龍
谷稱龍舟水合龍舟諸碎泉始西北流又

西經縣北入於汾乃名昌源斛水斗泥銀雲鍾雨灌
漑之利伴於鄭白所經處人多種竹雲猶修織不緣

而白若太
始雪矣

幘山晚照 山在縣東南六十里晴巒朗岫下
石樹和合巖崑蒼蔚逸民隱士多於此篤

幽貞焉是有幽仙之蘭每羲御已去儀轡不來不日
不月虛室生白譙角再嚴夕同人問豈慧光不夜偏

照幽
人耶

龍舟夜月 盤陀一川沿遡龍舟峪水峪村北關稍不
荒落烟朔山寺風滿酒旗估客遊于於焉

解鞍荆籬密困息旅愁矣東巖一潭寒泓淨拭孤雲
深側飛鳥不外正不在遠殊愜適與每晦日斯際峰

野蠻蔽而金波玉漣之間顧兔私明蟾蜍偷
漾豈嫌娥又將寄竊藥於此耶奇為作觀矣

高峰積雪 高峰在幘山東十餘里峻削孤寒冬夏有
雪山經所記正復有數西北寒門風氣爾

耶竹綠冰崖花紅霜嶂蘊陸登眺愈益斲人心目
至於五寒欣曉松灌了了授白飛素通通雪山矣

故縣龍槐 故縣即晉祁大夫奚食邑在今縣治東南
十五里有老槐一章豐本臙腫膠枝卷曲

匠者不顧鄉無何有難以不村得全其天年政大夫
舊德今茲猶在祁人護之有過甘棠云耳又非大槐

安國夢遊
者比也

雙井古栢 栢在城西五里白圭村南黛團香葉黑澗
霜皮遠而望之峭蒨雲舉信道梓矣爾有

二井相去十餘步栢居其間喬柯分陰深根取潤
搗雙響瓶綆齊掄浮以輕葉左右互達同源共脉而

一廿一苦物理
乘互殆難推別

沙城斷碑

沙城在縣西北八里按圖志云趙襄子

廢一鴈去俄而一鴈投雲墮翻稿據碑圭俯仰哀鳴
晝夜不止聲既悲於鷓鴣血復類夫杜宇殷若丹砂
遂成石華鴈死而碑斷焉至今春來秋遞風雨晦明
之交猶有聞其哀鳴者卽投身宰堵羽毛護法雖通
碍既殊迷悟亦迴方茲酸醜詎
非正念道心情緣於此並重矣

按舊志古蹟載沙城在縣西五里相傳爲燕慕容垂
所築趙襄子城在縣西北八里圖志云趙襄子所築
此云沙城在縣西北八里疑有悞今斷碑不存失考
姑仍之

水利附

紫紅渠上渠自石佛岩南流經本鎮分灌鎮東西田中

渠分自上渠流本鎮外灌正北田下渠自石佛岩北

流灌本鎮及洛陽村郃北田

魯村渠自紫紅引灌本村田

龍濟渠自澗壑村北引灌大韓溫曲邢城申村下申郭

村九角等七村餘水分灌小韓張名三及西關等田

官渠自河灣引水灌西六支村王村會善豐澤三及城

南在城及西關廂田

斜渠自河灣引水灌西六支秦村王村田

沙渠自西六支引灌劉家堡高村田

小沙渠自劉家堡北引灌高秦會善豐澤四村田

大東渠進登等開自順治四年在谷戀村東門外觀音堂後濶二丈自東六支河引水河內南北築堰路經馬家堡灌團圖村村北地盡而止

胡帳渠自東六支引灌小賈家堡長頭三村田

范公渠自東六支引灌姜家堡范公村戴家堡三村田
北左渠自東六支引灌左東左西北左等三村田

令渠自沙堡村引灌本鎮及豐澤豐戶等村田

均利渠開於雍正二年自大韓村後昌源河內引水灌河灣南社梁家堡邢城西六支三角村東門外等七

村田

豐固渠開自萬歷二十六年上接昌源河水經劉家堡灌本村地畝

修善村新韓渠自西六支劉家堡引水路經塔寺高村

秦村豐澤等處入灌本村地畝

文邑豐戶渠濶七弓洪武二年開濟昌源河接水經河灣等村以及劉家堡高村賈令鎮南引水灌里村田

前縣志 卷二
塔寺谷戀村小渠在二村兩界間濶三尺五寸長七里
有餘從昌源河引水灌塔寺村以至谷戀村北邊地
盡而止

公利渠自東澗村西澗村南門外引水灌武鄉村永安
村東觀鎮河灣村東六支村瓦屋村田

以上皆昌源河支流

南梁渠上渠自馮家峪村引水下渠自南梁溝引水灌
二村田

以上皆通光水支流

峪口村下渠自村南引水灌本村田

南梁下下渠自本村東南引水灌天衢村田

龍丈渠自魯村東北引水灌南園栢村澗村堡子村

村田

黃劉渠一名公濟引用潭溪河水灌張店村東邊地

尚家渠引用潭溪河水灌張店村西邊地

大東渠自東六支小東渠引灌本村大賈高家堡瓦屋

小賈等五村田

溫三渠濶二丈自河灣村北引水灌大賈村小賈村瓦

屋村三村田

西陽羽渠開於萬歷四十五年四月由潛源河引水

至河灣村引至劉家堡員令鎮南灌西陽羽賈令築

村田 係潛源河支流

青布古渠開自洪武二年係五道渠中一道渠心闊六

尺自潛源河引水灌東西營西高家堡三村田

城池 堡寨 武備明

祁扼汾潞之要控豫引雍故跋扈思啟晉元海左部

居祁唐僕固裨將守祁漢北宋金元固戎馬之衝也

九堡二寨築于明嘉靖時與城池相為犄角爾時汾

潞以南不被俺答之害者祁為之藩蔽也

國家承平百數十年間里又安狼烟不試然可以百年

而不用不可以一日而少弛書曰惟事事乃其有備

有備所以無患也志城池

舊土城肇自後魏并州別駕分瓚所築圍四里餘二十

步高二丈五尺厚一丈八尺池深一丈明景泰元年知縣王章重修嘉靖間知縣岳魯增築署印太原衛經歷莊科加高濶各五尺許創築東南北月城三座增修敵臺三十座萬歷五年知縣王牧始用磚甃圍廣如舊高厚又增之計高三丈三尺底濶三丈四尺頂濶二丈二尺八年知縣張應舉撤東南之門樓加建層閣月城警鋪諸舍咸用增飾濬壕四面各深一丈濶三丈內牆一道高六尺外堤一道高七尺濶一丈壕下植柳樹二千餘株扁其門東曰瞻鳳南曰凭

麓西曰挹汾北曰拱辰金湯壯麗稱雄障焉

國朝順治六年姜壤之變知縣王之鼎繕城固守康熙十年城復頽圯知縣陳祖法增修自爲記四十四年知縣朱理加修葺舊城北東隅女牆下有溝窪四十七處父老以爲淚痕至是平之乾隆三十五年知縣陳德輝復修

西關城明嘉靖二十年知縣王元言創築周圍二里高二丈五尺底濶二丈頂濶一丈卑牆高五尺東北門各一座南門三座敵臺八座俱設樓舍西南北面各

前縣志 卷二
濬壕一道深一丈濶三丈護牆一道東倚大城壕隆慶四年知縣胡以祚磚以土啤

堡寨

南谷豐堡在縣西北二里嘉靖二十年築圍二百二十步高二丈五尺底濶二丈頂濶九尺女牆高五尺門一座敵臺六座俱有樓舍壕一道深一丈濶二丈護牆一道

高村堡在縣東北七里嘉靖二十年築圍四百步高二丈五尺底濶二丈頂濶一丈女牆高五尺門一座敵

臺一十座俱有樓舍壕一道深一丈濶二丈護牆一道

西六支堡在縣東北一十里嘉靖二十年築圍四百八十步高二丈五尺底濶二丈頂濶一丈女牆高五尺門一座敵臺九座俱有樓舍壕一道深一丈濶二丈護牆一道

武鄉堡在縣正東二十里嘉靖三十年築圍一百二十步高二丈五尺底濶二丈頂濶八尺女牆高五尺門一座敵臺四座俱有樓舍四面深溝數丈護牆一道

溫曲堡在縣東南十里嘉靖二十年築圍二百步高二丈五尺底濶二丈頂濶八尺女牆高五尺門一座敵臺四座俱有樓舍壕一道深一丈濶二丈護牆一道
白圭堡在縣東北三十里嘉靖二十年築圍四百一十步高二丈五尺底濶一丈七尺頂濶八尺女牆高五尺門二座敵臺四座俱有樓舍壕一道深二丈濶二丈護牆一道

谷戀堡在縣東北十八里嘉靖二十年築圍五百五十步高二丈五尺底濶二丈頂濶二丈女牆高五尺門

二座敵臺四座俱有樓舍壕一道深一丈濶二丈護牆一道

賈令堡在縣正北十五里嘉靖二十年築圍八百步底濶二丈頂濶一丈女牆高五尺門三座敵臺一十六座俱有樓舍壕一道深一丈濶二丈

王村堡在縣東北七里嘉靖二十年創築周圍三百六十步高二丈五尺底濶二丈頂濶一丈女牆高五尺門二座敵臺七座俱有樓舍壕一道深一丈濶二丈護牆一道

安寨在縣東南三十里紫紅鎮雙泉山頂詳關梁

來遠寨在縣東南七十里詳關梁

新寨在縣東南三十里周三里三面臨溝明崇正六年里人於南面增築堡牆高二丈五尺長二百四十步門二座內居民約百餘戶有潤濟侯行祠村南里許地名馬道坡里傳潤濟侯放馬處有古槐一株狀如華蓋每逢元旦近邑人夜至醮祝者甚衆村西有天成土橋可通車馬名曰天橋又附庄有十日河南曰河北曰井子溝曰柳家溝曰郭家庄曰百泉頭曰段家平曰常山口賈背大庄冲天墩五座一在小韓村一在胡帳都一在小義村一

在砲守堡一在東六支各高三丈圍約十五丈上蓋瓦棚俱隆慶間設

新韓鎮在縣北三十里左東村萬歷二十五年知縣韓朝貢建內有察院行臺一座小官廳一所東西棚門周圍牆垣交界坊牌鎮成甘泉出名其泉為感應泉云今亡

武備 附

切那縣兵二百二十六名 附志

國朝縣城太原營千總一員兵二十名

左東舖兵三名

東陽羽兵三名

西令鎮兵五名

豐澤舖兵三名

西關兵五名

五里舖兵三名

十里舖兵三名

界牌頭兵三名

白圭鎮兵五名

團柏舖兵五名

紫紅鎮兵五名

盤陀口兵五名

冰遠鎮兵三名

共守兵七十一名

武場在縣北一里許長一百四十八步濶三十四步

有廳有將臺有門

將臺舊土築知縣韓朝貢磚甃

軍器紅儀大砲四位大號京樣砲四十位二號京樣砲四十位三號京樣砲一十六位督虎砲四位三眼銃五十三杆佛郎機一十杆獨眼銃四百八十杆貯庫火藥三甕黑鉛一百八十觔硝磺一千五十觔

關梁 驛遞附

祁西南道河東通秦隴東南踰上黨達中州北當直
省孔道固四達之衝也

國家德威遠暢錫冲以西二萬餘里盡隸版圖獻琛納
賚以時貢輸皆涉昌源河出賈令驛若由晉而豫則
道經盤陀朔昌源而上關隘稱絕險焉五代北宋以
來防禦戰守可考者悉爲採錄以資觀覽其東西兩
驛增設裁減事宜及西七舖東五舖道里遠近並著
于後志關梁

龍舟峪關東南九十里南通沁州北通徐溝兩壁皆山
道傍有胡甲水明洪武三年置巡檢司一龍舟峪巡
檢司舊在北關鎮今裁

北關鎮東南九十里相傳宋太祖取河東克金鎖關卽
此

來遠鎮在盤院東南去縣七十里 來遠寨嘉靖間設
在來遠鎮東山巔圍三百二十步高六丈四面臨溝
上石牆五尺

盤院鎮紫紅鎮東南去縣五十里宋太祖由盤院取太

原

紫紅鎮東南三十里南倚雙泉山山有雙泉 安寨一
名永寧寨嘉靖間設在雙泉山巔圍二百六步西面
牆高二丈壕深濶各一丈東南北三面牆高一丈九
尺臨溝門一座內有真武廟

團栢鎮東南六十里白圭鎮南東接太谷南接武鄉
後唐趙德鈞由土門口入欲併潞州兵乃趨潞州子
延壽以兵屬焉德鈞屯團栢谷口不進廢帝使自飛
狐出擊契丹後德鈞南出吳兒即吾兒會延壽於西唐

廢帝幸懷州遣北面行營馬軍都指揮使康恩立將
從駕騎兵出團栢救張敬達未至而敬達死

按金志祁縣鎮一團栢

隆舟城東南三十里團栢鎮東北漢廣運二年七月築
隆舟城於祁縣東三十里備宋師祁縣東三十里有
隆舟故城劉繼元築以拒周戍河東記太平興國四
年春王師築嵐州次于隆舟其說差異 宋太平興
國初控鶴軍副指揮使徐興從潘美屯團栢谷奮與
賊鬪生擒僞兵馬都監李美身被重創無所回橈四

年乙丑克隆州獲其招討使李詢等六人五月丁酉
廢隆州隸其城 清康元年二月中寅金粘罕攻太
原不克分兵過南北關權威勝軍李直以城降乙卯
陷隆德府 河東制置使姚古進兵復隆德府威勝
軍扼南北關與金人戰互有勝負及种師中敗金人
進兵邈古邈於盤陀古兵潰退保隆德 制置使姚
古率兵至隆州谷突合連與拔离速以步騎萬餘禦
之 金幹論活女覓敗种師中進攻宋制置使姚古
軍於隆州谷大敗之 金興定四年嵐州觀察使古

里甲石倫言北兵攻平陽將及潞州還當由龍州谷以入太原請兵扼其歸路 金元光初義勝軍節度

使禹顯扼龍猪谷卽龍州谷破元軍擒元帥韓光國追至

祁縣而還

胡甲水源出武鄉縣胡甲山之北流經龍舟谷

龍舟一作隆舟

名龍舟水會合諸泉折而西流經縣北又西經平遙界入汾名昌源河下流多沙土俗呼沙河

按隆州谷一名龍舟峪一名龍州谷一名隆舟谷一

名龍猪谷

界脚頭南二十里平遙界

上段橋在縣西二十里以土木結構爲之徒與威利焉

賈令橋在縣北十五里制如上段夏間撤去秋杪復修

秦村橋在縣北七里杜惠王德仁等新建歲時修撤

東六支橋在縣東十五里制如賈令

澗村橋在縣東南二十里用木爲架而鋪板於上亦歲

時修撤

團栢橋在團栢鎮北萬歷年間建

韓令橋在縣城南門外知縣韓朝貢建

驛遞附

祁彈丸邑設置兩驛盤陀通上黨賈令達川陝衝疲
苦累倍於他邑明會典有文水協濟馬二十五匹交
城一十四匹清源三匹以均其勞逸年遠墾生三縣遂
抗不行

國朝定鼎二年知縣孫建宗議復協濟舉人駙雲駟馮
萬順閻三才程奇貞等力控上台以孤邑勢不果行
三年因會試復偕萬順到京條遞通狀奉文暫復三
縣協濟而衝途之困少甦矣

賈令驛明原額馬戶四十名每名馬二匹順治十一年
酌定馬戶三十九名半康熙十五年裁減馬夫四名
半額馬七十四匹因協濟神池縣馬一匹添設趙城縣
馬三匹撥協山谷站馬二匹共去馬六匹額馬六十
四匹嗣汾陽驛協濟賈令驛馬七匹又繁峙縣協濟
賈令驛馬三匹又盤陀驛協濟賈令驛馬三匹共添
馬十三匹今額馬七十七匹馬夫三十八名半

賈令廠夫九十名

盤陀驛明原額馬戶二十五名每名馬二匹順治十一

年酌定馬戶一十六名康熙十五年裁減二名半雍正五年裁減馬夫三名半額馬二十四匹因協濟保德州馬五匹又協濟殺虎口八十家站馬二匹又協濟賈令驛馬三匹共去馬十四匹今額馬十四匹馬夫五名盤陀遞運所設夫六十名雍正十年六月奉文裁二十
五名實存夫三十五名兩驛馬夫厰夫所夫歲支銀兩詳田賦志至汾陽驛繁峙縣盤陀驛協濟賈令驛馬共十三匹馬夫六名半歲支銀兩另由司庫給領
左棗舖北界徐溝縣八里至東陽翼舖五里至賈令舖

十里至盤澤舖

北舖外

五里至高城舖

舖五里舖

十里至東

城舖

舖十里舖

五里至交界舖

舖即鄰家舖

南界平遙縣共四十

三里以上為西路賈令驛七舖

白圭舖北界太谷縣十五里至團栢舖十五里至紫紅

舖

盤陀驛

二十里至盤陀舖二十里至來遠舖十

里至北關南界武鄉縣共八十里以上為東路盤陀

驛五舖

24171

永興記

卷二

三

